



受宜堂宦遊筆記卷四十二目錄

○北路二

歸化城

歸化城署內碑

脫脫城

新城

察罕叟兒

烏里雅蘇泰

鄂特渾騰厄里

葵屯招

蘇巴爾漢

寶禪寺佛像

厄爾得尼招

費大將軍祠

青塚

李陵臺

稻陽臺

厄爾得尼招勦滅逆胡記

刁斗

營兵屯田

鄂爾昆屯田

配丁種地

商賈

食物價值

負板房行營

遇佛

三月七日

書歸全部

題安南酷暑圖

沙場詩

東坡詩話

西清詩話

牙疳牙痛

受宜堂宦遊筆記卷四十二



納蘭常安履坦著 男珉全校

琇

北路二

○歸化城

明洪武間設東勝五衛。永樂間徙東勝中前後千戶於懷仁等處。正統中併玉林衛入右衛。雲川衛入左衛。自殺虎口邊境皆棄於外。為元後俺答所居。按明

紀本末載嘉靖間俺答時時擾邊自隆慶四年封貢以後方寧初俺答長女啞不害有所生三孃子者名哈屯貌甚豔麗已受聘襖兒都斯俺答奪以爲妾朝廷即封爲忠順夫人俺答死黃台吉襲封三孃子即從配黃台吉罰治叛寇貢市唯謹黃台吉死子扯力良襲位復娶三孃子三孃子切切慕華不時款塞總督吳允贈予金珠翠鈿甚厚別築城居萬歷十四年賜名歸化即今地是也

歸化城署內碑

元延祐七年豐州平治甸城山谷道路碑在歸化城都統署內記載豐之爲郡其來尚矣地名九原雲朔三輔控御沙漠向之劇金原世勲戚里置天得軍節度而鎮守焉風俗惟淳民物尚朴厥土惟瘠鹵厥田惟下中原高且平墾耕牧養軍民相參居止郡南負郭黑河青塚古跡仍存郡北一舍有環繞之山名曰祁連中有捷徑故道無城山谷北之銀瓮迢遙漁陽險阻近爭一倍抵天平七十餘里歷經沿革山水泛漲阻妨車輛經行寒暑失遷人無舉覆粵本州監郡

傑烈奉議知州郭承務同知哈刺不花承務判官倫忠勇等典牧是州未及數月講究與除利病云觀此以大青山為初連山考初連在陝西涼州或初連之名有二耶一統志山西通志俱未之載及未識此碑何指

脫脫城

脫脫城在歸化城西南一百七十里黃河東岸五里人傳元右丞相脫脫所築考元史無載乃明嘉靖間邊外順義王俺荅有義子恰台吉名脫脫住牧此城

今其城外垣多有頽毀內復補築一層周圍十餘里國朝建修倉廩積貯邊地收穫雜糧城外西南居民商賈約百餘家

新城

新城建於鄂爾昆竣於乙卯秋日表裏排立松木高一丈寬六尺中填土坯以實之周圍六里其所豎木依次高低以為塚口與雉堞無異每九株或十株為一排寬四尺五寸次排五株寬二尺低三尺三排與頭排等四排與二排等餘俱仿之四正居中各建城

樓一而南北東有門三各營糧餉紬紵軍裝火藥建
倉庫貯之督理糧儲文員綠旗武員各署胥役兵卒
營房俱以排木為牆截木為室不需片瓦寸磚鎖閉
南北二門啓東門以嚴盤詰非城居者不容擅入是
以城中碧草為茵野花如繡鳥去鳥來無間春夏既
脫埃氛又絕煩擾不啻深山邃谷矣南引溪水貫城
中建木橋翼以扶欄北隅作湖以蓄水滿則北流而
出東門外商賈貿易房如比櫛酒帘茶肆日無虛座
犬吠雞鳴聲聞數里市東即河藉以資汲且可捕漁

以佐飲饌也

其。察罕叟兒

康熙五十四年乙未逆虜蠢動

詔修城堡屯田備邊

欽差大臣藉名購馬率四旗滿兵二千由西路巴里坤至察

罕叟兒築木城廣袤三百丈既竣遠近蒙古未之知
陡見其連峯接漢巋然鐵甕金墉疑為神力其督帥
大臣之鎮靜如此城西南二隅臨水名扎布堪河河
源出塔本托羅海至城約五日程北倚大山山陽一

官。述。言。卷。四。三。
穴中積白沙。蟲書鳥跡。縱橫遙望之。閃爍熒煌如銀。
練直瀉蒙古。名察罕。叟兒華言白尾也。是山與張家
口外察罕托羅海統屬一脈。察罕托羅海華言白首。
首起尾結。蜿蜒亘數千里。豈不與外之崑崙內之太
行相頡頏哉。丙辰葺倉千八十櫟。任官民輸糈議功。
又墾地三萬二千有奇。設部員督屯。至壬子歲始停。
計一十七載。芟獲少而輸輓多。蓋天寒地磽。不可必
其歲稔也。丙辰夏大軍凱旋。而城樓市廛依然。白草
黃沙矣。

每於閒處著筆。冷雋可思。

陸成岑敬評

烏里雅蘇泰

癸丑大軍自博爾和移營。駐劄於烏里雅蘇泰。伐木
築城。襟山帶河。控扼緘局。天塹地險。兩兼之矣。當其
始屯也。人馬如雲。約六七萬。而芻蕘之用。雉兔之資。
未嘗缺乏。遠近峰巒。松盤如蓋。平原楊柳。在在蔚鬱。
遮目烏里雅蘇泰者。譯言楊柳林也。以此命名。可知
其繁茂矣。其間野卉芳草。鮮妍可愛。城倚東山。周匝
四里。建八門。西隅倉廩豐積。士馬飽騰。中建衙署。營

房密如比櫛商賈集於北市山海之味咸備東山築
 炮臺以防不虞東去察罕叟兒城百八十里山泉冷
 泠匯而成溪環遶西流渡口之南即峻嶺延袤五六
 十里秋冬積雪凜冽降陟維艱西南有澗名野龍溝
 可屯勁卒萬餘為北徼第一勝境遊者渡水穿花窮
 幽探勝不知其為沙漠也大軍既撤軍儲移貯於塔
 彌城市立時廢棄或惜之識者曰此固沙漠本來之
 面目也

冷雋處復秀雅可愛

陸成岑敬評

鄂特渾勝厄里

烏里雅蘇泰之東南三百餘里有雪山名鄂特渾勝
 厄里鄂特渾華言不亞也勝厄里華言天也蓋超邁
 羣峯高迴接天因命是名也北徼雪山在在有之此
 山經年積雪暑月凜冽如隆冬即有濟勝具者亦未
 輕陟其巔是以採掠無人林木蔥蔚百卉爭妍望之
 歸然雲表如萬仞錦屏且羣峯比立如櫛絳崖紺壁
 點雪雜冰映日如五采誠蒙古勝地也當屯駐烏里
 雅蘇泰時道經此地文人題詠甚多今雖往來驛使

另闢新路而前經目覩者言及則嘖嘖不休嗟乎極
徼之地乃膾炙人口復載之題咏何幸哉然物非其
尤置之通都亦覲面失之苟奇特驚人雖在絕徼亦
未有不傳者豈特一山為然哉

摹寫令人神往且言外即有勉人不以庸材自域
之旨 陸成岑敬評

葵屯招

察罕叟兒東去八十里名葵屯招葵屯華言冷也招
寺也蒙古傳云元太祖遊獵至此忽爾密雪狂風天

地昏黯不識路逕且凜冽不可當隨從之人膚裂指

墮馬縮如蝟枵腹絕食進退維谷倏見羣獸尾奔若

有代為驅逐者遂執之舉饜人得果腹已而風息雲

收識其向背以為佛法默佑遂誓以異日倘有所遇

必建寺報之及內外歸併遂卜地成工名曰葵屯招

然史既未載碑碣復毀虛實無可稽考第基址猶存

山脚棄有鐵鍋度其口底可容米三石蒙古隨畜移

徙野居無定何需此物確為寺中舊器洵不誣耳此

地四時皆較冷於他處按設臺起自張家口至此凡

官邊筆言 卷四三
四十七以程計之五千餘里望北斗於南大建見月於朔小建見月於二日地居極北奇寒異冷亦其宜哉。

南望北斗前史紀之至大建見月於朔小建見月於二日則前人未有及之者博聞之助亦何可少
陸成岑敬評

蘇巴爾漢

聞之萬山之宗統於崑崙其間分派別支多在西北邊徼蓋地近崑崙也他米正南三百餘里有山名蘇

巴爾漢華言塔也玉柱插雲翠林倚漢差峩萬丈險峻千層命之曰塔不謬也有好勝者乘壯馬一日夜僅登其半嗚呼魏矣考杭愛山繇亘數千里直西北延接阿爾泰山此東南肇基之雄巔實崑崙派支也

寶禪寺佛像

朔平府城寶禪寺藏佛像百餘軸相傳吳道子真筆以之鎮邊者予兩過其地俱經展閱具天人種種殊相或比丘比丘尼優婆塞優婆夷金剛羅漢餓鬼遊魂醜怪奇崛或五星七曜七元四聖十二宮神二十

八宿乘雲來下其色相端正章服皆巖然多屬後人摹倣中有三軸一佛精彩動人點不加墨淺深暈成一觀音寶珠瓔珞銖衣紺髻使人瞻之敬心自起而且山巖海岸烟嵐蒙密佳氣藹然一虎毛色明潤威而不怒荒榛赤草鳥噪其上非心識意解未易得其自然此三軸筆跡勁細用色精密絹暗腐而丹青不渝即非道子真筆亦可寶也

寫三種佳處語不必多使人想見其妙著色傳神

極似唐人筆意 陸成岑敬評

厄爾得尼招

厄爾得尼招沙漠古刹也厄爾得尼華言寶石也招

華言寺也建於喀爾喀所居鄂爾昆寺西杭愛山川

名柳條溝寺北鄂爾昆河是以僧眾薪水不絕實勝

地也寺創自元周圍築墻如城正殿三列整齊覆以

黃綠二色瓦法相皆名手塑生氣勃然佛額俱嵌寶

石一色耀人目山門南參差三殿法相與正殿同亦

有嵌寶此寺之得名也中有池廣袤各十丈餘引河

水灌之終日滔滔無息池無所洩乃盈而不溢亦異

官道集言 卷四十一 九
哉山門外存碑碣一。乃嶺北右丞郎中總管收糧記。字跡模糊不可全識。節其可識之要誌之一。載國之和糴以從權。民之中糧以應募。此經濟之嘉猷。致治之急務也。又嶺北省治在藩垣。朔漠不毛。例設和中之急務也。及至正丁亥。咨准糧一十五萬石。又和中之名不見於經。其創制立法自我元始。和者上之所節以濟民。中者下之所積以報國。如天雨海流而不息。神運鬼輸而不竭。又監者上相光祿大夫平章政事中。奉大夫參知政事蠻子亞相承直郎左右司員外伯加數奉政大夫左右司都司郭氏從道。資正大夫右丞帖史趙氏景文。嘉議大夫和寧路總管禾薛飛兒等。董正其事。時至正戊子秋八月朔日記。及以建寺之歲月。叩番僧。懵然無知。且牛骨羊骸皮革之屬。狼藉山門。穢污觸鼻。誠喇嘛寺也。

一結趣甚

陸成岑敬評

費大將軍祠

大將軍費諱揚古。因噶爾丹遠阻聲教。頻年跳梁。侵擾各蒙古部落。祁連之北。俱為烽鏑之場。甲戌季春。

聖祖仁皇帝特差大將軍駐扎歸化城。凡滿漢諸軍及蒙古各部落咸屬調遣。越二年。

聖祖仁皇帝親統六師。遠臨沙漠。

勅命大將軍會合諸路。協力勦除。三十五年五月十三日。大將軍於西路遇敵。欽遵。

指授方略。殲滅狡寇。一朝底定。

御駕凱旋之後。晉爵一等公。

特命留鎮邊庭。兵不敢欺盜。不敢發商賈。軒集人烟稠密。荒裔之區。遂與分省都會無異。兵民感戴。建立祠堂。歲

時享之祠。在南門外。塑像威嚴勃勃。有生氣。重門外有碑亭二。東為費大將軍立業已字跡模糊。西為今丹都統立丹諱進蒙古人。繼費大將軍駐劄。漸及四十年矣。席承平之福。仰藉聲靈。功著邊陲。於以激勵來者。顧瞻廟貌。烏可不仰止而起敬乎。

青塚

青塚。王昭君墓。在殺虎口外。歸化城東南三十里。黑河南岸路西。高丈餘。圍畝許。塞外草多白。而此塚獨青。故名。按昭君王嬙。南郡秭歸人。漢元帝時。以良家

子選入掖庭數歲不得見御積悲怨會匈奴呼韓邪來朝帝勅以宮女五人賜之昭君乃請掖庭令求行呼韓邪臨辭大會帝召五女以示之昭君豐容靚飾光明漢宮顧影徘徊竦動左右帝見大驚意欲留之而難於失信遂與匈奴號寧胡闕氏歷來詩文俱襲用賂畫工毛延壽之說按西京雜記元帝後宮既多不得常見乃使畫工圖形案圖召幸之諸宮人皆賂畫工多者十萬少者亦不減五萬獨王嬙不肯遂不得見及王嬙既行帝乃窮案其事畫工皆棄市籍其家資皆巨萬畫工有杜陵毛延壽為人形醜好老少必得其真安陵陳敞新豐劉白龔寬並工爲牛馬飛鳥衆勢人形好醜不在延壽下杜陽望亦善畫尤善布色樊育亦善布色皆同日棄市名畫工於是差稀是畫工因是得罪者不獨一毛延壽也

李陵臺

李陵臺在古雲內州臺高二丈餘唐地理志雲中都護府燕然山有李陵臺蓋陵不得歸嘗登此望漢其近有拂雲堆堆上有祠

官通言 卷四十二
三
秬陽臺

秬陽臺在古豐州境。漢為秬陽縣。屬五原郡。北石門障得光祿城。又西北得支就城。又西北得頭曼城。又西北得虜河城。又西北得宿虜城。漢書竇憲出雞鹿塞。鄧騭出秬陽塞。遂至燕然山。即此。

厄爾得尼招勦滅逆胡記

雍正十年八月初三日。副將軍王丹津多爾濟額駙策凌。分領官兵偵探逆胡準噶爾大衆將至厄爾得尼招。分左右二翼。各擇山坡立營。次早逆胡驟至。亦

分二路。在二翼之中。其右路逆胡立營。山坡面陽。倚險藉後山為屏。翰坡下即鄂爾昆河。河依坡脚北流。過坡始折而東。流於平地。兩灘沙如平掌。去坡十數丈。賊立坡上俯瞰。四際無所阻障。我軍兩翼歷歷指顧。雖去未及十里。而左右深溝。我軍不易近。鎗炮亦不能及。諸大帥秘議。須遶賊後潛陟山巔。自上攻下。如石壓卵。可奪其魄。於是令前列官兵鎮靜如初。待我軍登山。即以尾作首。源源接應。額駙策凌滿洲大臣塔爾岱布爾沙阿納布。遂潛至陣尾。率領尾軍索

倫查哈爾喀爾喀三省勇健。以及立功贖罪。進柱包特馬等。鼓勇而前。山勢險峻。三却而後。登突繞山巔而下。前軍滿洲大臣查克丹。阿成阿。鄂爾欽。吳查拉。哲庫納等。率八旗官兵。合力共勦。如疾風迅雷。土崩瓦解。山谷為之震動。胡方卸裝炊爨。猝不及備。徒步奔潰。自相蹈藉。或得騎驚竄。不能停止。後奔者逼前。而後者又為後逼。且鞍縛長鎗。未及解。彼此刺戳。多中傷。落於溝底。其奔前投水者。僵尸相藉。水為之不流。激湧高數丈。染色盡赤。間有竄脫者。俱負重傷。昏夜不便窮追。始收兵。所獲旗幟鎗砲甲兵牲畜。無算。是夜餘賊盡棄。馱載奔竄。有追而生擒者。告曰。我等狼狽四散。二更始稍稍集。相抱悲號。查右路人數五萬。死傷餒斃。所存寥寥無幾。始知官兵儼如天降。倘再逾時。必盡齏粉。是以連夜遁逃。此一戰也。計我軍傷者僅五人。始則分兵兩翼。各抵一路。孫子所謂以正合也。繼則潛陟後山。奮擊賊背。孫子所謂以奇勝也。昔諸葛亮揚聲斜谷。軍出祁山。鄧艾明攻。劔閣暗襲。陰平張俊馳赴。豫章潛出生米。渡沐英別軍烏撒。

官遊集言卷四十一
遙應永寧此戰殆無以異孫子曰如轉圜石於千仞之上者勢也當其環擊囂潰其機間不容髮雷譟震動其勢迅不可遏又如臧宮乘延岑之不意司馬懿乘益州之震動陸遜乘蜀軍之土崩謝元乘秦兵之少却豈非巧於用機善於用勢哉惟分兵兩翼而左翼瞻望不動以致賊之左路倖免或恐左翼動則賊之左路亦動夾攻官軍之右故鎮以待之然右翼勦賊殆盡左路逆胡喪膽欲奔竄又恐尾其後直束手以待雪刃耳如左翼乘其震蕩鼓兵而前則破竹之勢迎刃以解奈何坐失其機惜夫

寫得聲勢烜赫却極精細令讀者如曾目擊入後
議論尤極文章之恣肆

陸成岑敬評

刁斗

古者軍行將動作必擊鼓以先聲所謂鼓以進之也及其節止必用鈺鐻鐃鐸以警之所謂金以退之也至於夜必擊刁斗以衛之所以示有備也漢舊儀中宮衛官城門擊刁斗傳五夜考之纂文曰刁斗持時鈴也及讀漢書李廣入為未央衛尉而程不識亦為

官選筆言 卷四十三 五
長樂衛尉不識故與廣俱以邊太守將屯及出擊胡。而廣行無部曲行陣就善水草頓舍人人自便不擊刁斗自衛程不識正部曲行伍營陣擊刁斗註以銅作鑪器受一斗晝炊飯食夜擊持行名曰刁斗然則刁斗即今之銅鍋也行軍總以輕便為利銅鍋軍營必需之物以一物而兼濟自古為然使物物而求其備非臨陣致遠之道也。

營兵屯田

鄂爾昆屯田一在厄爾得尼招一在吉爾馬泰俱近

溪河以資灌溉委營員率宣化大同營兵六百耕種初年三人合授牛二二人合授農具一每名歲支倒斃牛價銀四錢六分六釐六毫月支餉銀二兩四錢粟米一斗授地三十畝以二十三畝種大麥二畝小麥五畝糜其大麥籽一斗小麥八升糜七升五合總二斗五升五合以四分收穫為額是籽外僅七石九斗六升五合之數虧盈者營員議功罪限以三年歸汛原領耕牛農具遞行轉交總計之則入不敵所出矣。

鄂爾昆屯田

古人師老不息。必議屯田。况地平廣無隔閼。荒蕪可墾。不絀人力。則急宜舉行。以抒輓運之勞。是以李泌韓重華所營屯田。即今大同宣府陝西諸邊之地。而趙克國所屯。即今甘肅地也。然守邊之議。固當知屯田之地。亦不可不知擾田之害。今邊塞可耕之地。近城堡者。固易為力。若邊外地遠而勢孤。必如克國所謂乘塞列隊。虜大攻不能為害。而又有山阜可以望遠。有溝塹可以限隔。有營壘可以休息。架木以為譙望。聯木以為排柵。時出遊兵防寇掠。如是則屯耕之卒。身有所蔽。而無外虞。心有所恃。而無內恐。得以盡力於畝。畝之中而享收穫之利矣。今鄂爾昆去邊四千餘里。地在絕徼。大軍盡撤。既乏屏衛捍禦。未免勢孤。兼之地屬荒漠。為坡為川。非石則沙。不但地利不同。其天時。四月迤後氣始融。和七月未終。霜即凝降。即九夏之間。風多雨少。雖時資灌溉。亦難茂盛。况天旱溪涸。易致枯槁。今宣大營兵數僅六百。營田無多。日事拮据。尚難符額。乃猶有以三千營兵請墾者。蒙

官遊集言 卷四十二 北路二

聖恩發議將軍大臣謹以大概情形覆奏。
聖明乾斷遂不准行。

此等議論千百世後猶資考鏡立言不為一時於
此尤信 陸成岑敬評

配丁種地

初年食以折羊銀六兩。雜糧二石。各授牛一。農具半。
歲支二成。倒斃牛價一兩四錢。貸大麥三石為籽。初
年完半。次年全完。至三年始交官。七斗五升以為例。
多交者另給雙分倒斃牛價。一人授地三十畝。大麥

一色而已。其麥糜任其自種。地額外亦任其自墾。然
土瘠收歉兼資餬口。遂致營生不足。如妻子隨配者。
凍餒必不能免。是以潛逃者紛紛。竊劫之舉亦不一
而足。余時督糧駐鄂爾昆。與鎮守官副都統等議及
配丁屯田。其支領官費過多。所交糧石不足以償。而
歉年衣食無賴。復為兵民之擾。蠹留之何益。如果不
拘舊例。寬其自新之路。令彼贖罪回籍。亦一快也。因
請之定邊將軍。斟酌上奏。部議此等配丁久駐軍營。
殊屬無益。而為累。應如所奏。發遣配丁如五年內完

糧無過再抱病殘疾者即行咨部回籍奉

旨恩允即時遵行如例遣十之三歡聲溢路其存者亦以

回籍有日咸鼓舞相率守條約逃盜之風息矣此劄

行乾隆二年四月二十六日也

按屯田有配丁本非藉以積糧禦敵不過厚其營

生之途使之保全性命道與兵民異然此等人久

駐既無益而營生不足復至盜逃無事適以耗費

有事亦足以滋亂回籍一例既以導其遷善改過

之心而邊塞肅清亦不受梗民之擾蠹仁至義盡

斟酌備全千古之良法也

書院受業楊永鈺謹識

商賈

塞上商賈多宣化大同朔平三府人甘勞瘁耐風寒

以其沿邊居處素習風土故也其築城駐兵處則建

室集貨行營進勦時亦必尾隨前進雖鋒刃旁午人

馬沸騰之際未肯裹足輕生而重利其情乎當大軍

雲集斗米白鏹十兩酒麵果蔬動需數金一收十利

猶且出貨小其秤入銀大其等官兵甘受其愚恬不

為怪因是致富不貲更以所獲增買橐駝百金購一

官道筆言 卷四三
猶云不昂。每自邊口起發。一字尾行數里不絕。一家所畜少亦盈百。即赤手之人。伐薪刈草亦獲數百金。得之易視之輕。驕奢日甚。及大軍既撤。僅留守戍官。軍食口既少。所需不繁。貨價大減。且需駝無人。一駝僅值二十金。始為之色沮。失業者比比皆然。至不得已。以現有之駝。依然往返載運。分廛列市。零星轉售。雖獲利霄壤於前。然較之內地尚有餘。奈獲大利時。用度既奢。今復怙侈如故。竟有入不敵出者矣。此與紈袴空乏時。而奢華猶仍舊者。無以異也。是以時有幸福之心。妄造謠語。其矢人惟恐不傷人哉。

貪奢幸福。此固天下莠民也。然在安分之人。又孰肯於鋒鏑沸騰之處。輕生冒利。而至彼乎。軍興百貨轉輸。既不可少。則此輩亦終不可無。非分之利。旋得旋失。有天理存乎其間。要亦無足怪者。
陸成

岑敬評

食物價值

南黔猪肉價廉。白金一錢。可得六觔。途中在在俱香。稻飯糯酒。行人分銀一餐。且盤列蔬肉。予不善飲。以

二文沽之。即成薄醉。前塞外軍行時。猪肉一觔。竟需白金一兩。今即守戍兵少。路近。猶需一錢。燒酒一觔。亦需一錢。較之南黔。不啻霄壤矣。然黔中一胡羊。值白金六七兩。塞北大如馬者。不過五六錢。又十未及一也。

負板房行營

行營攜以毳幙。費力於布帳。攜以西洋房。更費力於毳幙。乃造板房三楹。簷廊梁柱。門窗檻壁。俱製活筭。負載遷移。無異新築。又有負爐支鍋。馬上作烝食者。昔唐虞孝仁。伐遼之役。授都水丞。充監運。以駱駝負。畝盛水。養魚。以自給。何奢華之舉。奇巧之思。古今同一轍耶。

存之亦資一時之掌故。前見張遂寧奉使俄羅斯。記但云出塞。其便於人字帳。計其輕重繁簡。視此固不啻天淵矣。
陸成岑敬評

遇佛

戊午歲。一商由北路。車載鄂羅斯貨物。赴軍營。將至鄂爾昆。暮夜迷路。遍覓枯柴。舉爨。忽見金光如燈焰。

官迹筆言 卷四十三
起於山岡。意在問津。踪其焰而往。近前則光斂。朦朦
月色中。見一金佛。高尺餘。數武。又一金佛。亦高尺餘。
再數武。一佛趺坐。高五尺許。客以大佛車不能容。載
其二小者。至鄂爾昆。供於新城貨市武廟。復往載大
佛。至其地。覓竟日無有。後一客見小佛莊嚴。知烏斯
藏所鑄。賄僧重價。將載而南歸。李元戎知之。令人追
取。聞於將軍。移供厄爾得尼招。按徐岳見聞錄。有紳
宦於滇。叅將送烏斯藏佛。高不及尺。云於河中放光。
沒水所得。供之夜中。虛室生白。窺見佛頂。有一線白
光。疑為珍寶。取之。乃貝葉經一卷。舍利子十餘顆。其
五色變幻者。隨失去一顆。色不變者。依然。後修東塔。
藏之塔中。觀此商所得之佛。或內亦有貝葉經。舍利
子耶。

三月七日

世事變幻離奇。總無定著。不知所來。亦不知所往。今
歲丁巳三月七日。予行至塞外第十八臺之北。屯營
後。獨登荒山。遠眺仰見白雲倏焉而聚。倏焉而散。因
憶浮踪陳迹。忽忽若前日事。如癸丑是日。自貴陽因

公赴鎮遠乘籃輿夜行萬山之中次歲甲寅是日坐扁舟行灑水因赴京

陛見致

衝風破浪不計其險乙卯是日自豫章赴九江踏看

地方情形舟過鄱陽湖丙辰是日扶先太夫人櫬

旋京自山陽渡黃河俱受驚風駭浪當其在貴陽不

知赴九江赴九江更不知渡黃河而來塞外則明年

又在何處亦非今日所得預料者也

王元之亦有此慨惟達者所見略同

陸成岑敬評

書歸全部

辛亥歲予秉藩於黔行笈無多書籍或以原任牧令殘書轉售予買得十七史津逮秘書昭明文選各部其十七史缺失史記一百一十九卷至三十卷欲抄補無照本丙辰歸都門公私交迫無暇及之歲暮有塞北之役方在儗裝豫章黃生諱天策來赴博學鴻詞之選曾閱此集偶於塵市見所缺史記前本出五才錢取之呈予予閱其箋書墨跡及冊中硃點句讀俱出一手因歎此本遺失於黔去京八千餘里予得之已歷五歲前此缺失又未知幾年今無意中得歸

官遊筆言卷四十二
雖細事亦奇事也。予攜之北來，以補向所未竟朝夕。讀此消閒，俱可上口矣。

奇事亦快事

陸成岑敬評

題安南酷暑圖

予於鄂爾昆市中，賀得安南酷暑圖。點染木石，工緻縝密，寸人豆馬，多裸體露頂，其炎炎之勢，不啻流金爍石。圖未落款，使紙色稍舊，定不似今人手筆。沙漠何有此物，自是好事者攜自內地，為苦境作辟寒犀也。憶予宦遊西江，適值三伏，火雲蒸戶，畏日流堦，靜坐大厦中，白汗如雨，曾懸踏雪尋梅圖，以解煩暑。今值此裂膚墮指之時，乃寓目於酷暑圖，作紙上負暄活計，亦愛玉辟寒之意耳。

沙場詩

江盈科雪濤詩評云：唐人題沙場詩，愈想愈深，形容愈淒慘。其初但云「醉卧沙場君莫笑，古來征戰幾人回」，已自可悲。至云「憑君莫話封侯事，一將功成萬骨枯」，則愈悲矣。然其情猶顯，若晚唐詩云「可憐無定河邊骨，猶是春閨夢裏人」，則悲慘之甚，令人一字一淚。

官遊集言卷四十二
三言
幾不能讀此數首素所熟習今於軍營偶見詩評及
之不覺心動復憶杜工部兔絲附蓬麻引蔓故不長
嫁女與征夫不如棄路旁意味渾厚更有進焉然舍
意之悲無以加矣

東坡詩話

東坡詩話載有詩云人間有漏仙兀兀三杯醉世上
無眼禪昏昏一枕睡雖然無交涉其奈略相似相似
尚如此何況真箇是予玩是作與所居鄂爾昆新城
大相類竟日不聞足音寂然獨坐惟有驚颺聒耳沙
石迷目何得不醉又何得不睡其果謂之仙耶禪耶
或相似耶抑真是耶吾亦不得而知也

領略在無字句處結語更深
陸成岑敬評

西清詩話

宋蔡條西清詩話載人之好惡固自不同子美在蜀
作悶詩乃云捲簾唯白水隱几亦青山若使余居此
應從王逸少語吾當卒以樂死豈復更有悶耶予曩
昔閱之深以為然今居鄂爾昆新城門前亦有溪流
城外且有四山乃觀無足觀遊無可遊始知子美之

言不謬。蓋山水佳者固足適情而止。此一山止此一水。並無點綴。頑板不情。乃竟日相對。何得不悶。且人之常情。久則生厭。雖佳者尚然。况此無情之物乎。然則蔡條之所謂樂而不悶者。別有一山川也。

杜詩著意固在惟亦兩字。文以止此一山水。竟日

相對析之。倍見明快。陸成岑敬評

牙疳牙痛

沙漠北隅地極寒。不加意調護。則寒氣內逼。兩腿青腫。漸至口瘡糜爛。牙生疳蝕。謂之青腿牙疳。蓋下寒

而火熾於上也。歷試良劑不可治。軍士多患此。戕生

者。詢之年老蒙古。令生食馬腦。青者尤佳。或飲生馬

乳。如其言得腦者立效。飲乳者效緩。亦十生七八。非

此雖俞跗扁鵲不救也。至齒痛之患。人所不免。蓋北

路。藟菜蔬。日充口者。牛羊二肉。易於三焦。火動。予抵

鄂爾昆甫。兩月亦患牙疾。投以寒劑。未能止。後遇舊

城趙副都統。授刷齒方。青鹽七兩。白礬三兩。生大黃

三兩。合為末。刷之。予試之。痛遂止。較萬全同仁二堂

膏散。不啻霄壤矣。惟初刷時。覺口澁。久則相習。此方

非惟宜於口外即內地亦可不廢也。

受宜堂宦遊筆記卷四十三目錄

北路三

四十九旗

五十七旗

喀爾喀佐領

鄂羅斯

喇嘛

書梵字經

脫災

蒙古居處

婚嫁

又

喪葬

妻後母妻兄弟妻

產育

雙生

崇佛

供肉

俗尚

職業

乘騎

騎射天性

飲食

水草災異

羶房

移居

蒙古圍棋

象棋

貴由赤

灼羊骨

天叫

噴嚏

吞香阜

蒙古使假物

逆虜行軍

逆虜戰陣

逆虜講和

逆虜道路

受宜堂官遊筆記卷四十三

納蘭常安履坦著

男珉全校

琦

北路三

四十九旗

我

朝恩威遠被。遐荒歸服塞外蒙古。

錫封王爵。登入版籍。編旗四十有九。仍安置塞外科爾沁十

受宜堂官遊筆記卷四十三 北路三

旗鄂爾多斯六旗。吳拉特三旗。歸化城二旗。巴林二旗。蒿齊忒二旗。阿霸垓二旗。阿霸哈納二旗。烏朱穆秦二旗。扎魯特二旗。翁牛特二旗。喀爾沁二旗。土默特二旗。蘇尼特二旗。內地喀爾喀二旗。阿祿科爾沁一旗。毛朋安一旗。四子部落一旗。敖漢一旗。奈曼一旗。克西克騰一旗。

五十七旗

厄魯特與喀爾喀兩國交際構兵。喀爾喀汗等為其所敗。叩關請附。

聖祖仁皇帝屢頒勅諭。噶爾丹怙終不悛。既掠烏朱穆秦。復掠納木查爾。拖音於克魯倫之地。

聖祖仁皇帝親總六師。遇於昭木多。大敗之。寇氛盡滌。隨興復喀爾喀之國。系其已絕之嗣。

勅封王公等爵。按其人丁。編定牛錄。復編旗分。北路土謝圖汗二十六旗。西路扎薩克圖汗十一旗。東路車臣汗一十七旗。併厄魯特一旗。輝特一旗。哈密一旗。總

五十七旗。今因額駙策凌征勦建功。

勅封親王統領官兵。掌理左副將軍印務。增為中路。

喀爾喀佐領

喀爾喀旗分旣編。佐領已有定數。然間有增減。不無同異。乾隆元年所查。其北路土謝圖汗多丹多爾吉佐領一。親王額駙敦多普多爾吉佐領四。俊王閔珠爾多爾吉佐領十四。俊王丹進多爾吉佐領四。貝勒成滾扎普佐領七。又半。貝勒車普登佐領一。公巴母皮兒多爾吉佐領一。公巴海佐領一。扎薩克台吉班珠爾多爾吉佐領二。扎薩克台吉車普登佐領一。扎薩克台吉阿拉皮兒多爾吉佐領一。扎薩克台吉齊

巴克扎普佐領四。扎薩克台吉旺布佐領三。扎薩克台吉達什皮兒佐領四。扎薩克台吉車凌王舒克佐領五。扎薩克台吉旺布多爾吉佐領一。扎薩克台吉旺扎兒佐領一。扎薩克台吉朋蘇克拉普坦佐領二。以上佐領五十七。又半。其西路扎薩克圖汗格勒克燕皮兒佐領六。貝勒車登扎普佐領一。貝勒成滾扎普佐領三。公旺扎兒佐領一。公沙克扎佐領一。公旺舒克佐領一。公噶爾藏拉旺佐領一。公托吞末克佐領一。公閔珠爾佐領二。扎薩克台吉鄂母布吉佐領

二扎薩克台吉羅卜藏拉卜坦佐領一扎薩克台吉
密玉特多爾吉佐領二扎薩克台吉拉哩佐領一扎
薩克台吉伊達母扎普佐領一以上佐領二十有四
其東路車臣汗達馬麟佐領二俊王多爾吉扎兒佐
領四俊王德母楚克佐領四貝勒旺扎兒佐領九貝
色燕楚普多爾吉佐領十二貝色旺扎兒佐領四公
巴蘇佐領二又半公格勒克巴母皮兒佐領一護國
公扎母禪佐領三公三皮兒佐領二又半公車凌旺
布佐領三扎薩克台吉旺舒克達爾古佐領一扎薩

克台吉車登墩多普佐領二扎薩克台吉成滾扎普
佐領一又半扎薩克台吉齊旺佐領一又半扎薩克
台吉旺扎兒佐領一扎薩克台吉古魯扎普佐領一
扎薩克台吉博羅爾佐領一扎薩克台吉齊旺班珠
爾佐領三原扎薩克台吉根皮兒佐領半原扎薩克
台吉塔旺佐領一以上佐領六十又半其中路親王
額駙策凌佐領一親王襯親扎普佐領六貝勒納母
扎兒車蘇隆佐領三貝色阿奴哩佐領一公根皮兒
佐領一公色內佐領四公王扎兒佐領二公車母楚

克扎普佐領二公扎母禪佐領二公齊旺佐領二扎薩克台吉殷達布第佐領半扎薩克台吉阿保佐領一扎薩克台吉布達扎普佐領二扎薩克台吉額麟秦佐領一扎薩克台吉諾爾布扎普佐領一扎薩克台吉特克什佐領一扎薩台吉賴冲扎普佐領一扎薩克台吉巴朗佐領一扎薩克台吉綽音皮兒佐領三以上佐領三十五又半

鄂羅斯

鄂羅斯自古未通中夏其地沃野數千里幅幘甚廣

氣候寒冷常有冰雪多陰少晴沮洳卑濕察天下地勢自南至北由漸以增高鄂羅斯則由高而漸下古人嘗言極北之地與極南等信不誣也其山川延亘交絡不可殫紀最著者山有根特佛落克嶺之險且秀水有柏海兒湖鄂布河之大且深水程數倍於陸自柏海兒湖至伊聶謝河自揭的河至托波兒河首尾數千里而喀穆南流入土爾虎特襟帶兩國之間如吳楚之有三江五湖沿流溯源環繞不絕行者揚帆擊楫烟波浩渺兩岸林木蔥蒼村落廬舍斷續掩

映亦復如內地。幾忘其為絕域也。地有田畝。饒五穀。畜牧駝馬牛羊之外。多奇禽異獸。材木有松杉楊樺。椴柞榆柳櫻。菓有蘋婆沙果。檳子松子。榛子核桃葡萄刺玫。都克什。乏乏哈查梨。厄衣克特。克枸馬里那魚。有鱈鯉鮑魚。鰭鱸白鯉。魴鯉。鱒。鰱鴨。嘴鱉魚。鄂莫裏大。四帖里烈帖。貨有金銀玻璃。元狐。白狐。銀鼠。灰鼠。五色氈。薰牛皮。土人常以其貨通於中國。往來為市。惟中國人。以山川險阻。罕有至其地者。初鄂羅斯僻處西北。土地狹隘。無汗號。至依番。瓦什里魚赤時。假旁國兵。征收族類。以王其國。始稱汗。後寢強盛。兼并喀山托波兒。伊聶謝。厄爾庫。泥布楚。等地。國勢愈大。其地分為八道。設噶噶林馬提。飛費多爾魚赤等。總管八員。分督每道所轄城堡。八道曰。莫斯科。窪斯科。曰西畢爾斯科。曰喀山斯科。曰佛羅尼使斯科。曰計由斯科。曰司馬連斯科。曰三皮提里。普爾斯科。曰郭羅多阿爾哈連斯科。國汗有近侍大臣四員。得以便宜。專制事務。不用關通。其主有大事。汗自前往。至公所。與諸大臣會議。時令於佛經內推。

擇不知朔望然其地晝長夜短夏至前後日落數刻
即曙陰陽固與中國異矣制度凡稼穡之人什一而
稅打牲者貢皮有差製銀銅為錢雜用之以十六寸
為一尺十二兩為一觔五百步為一里禮數頗一二
同中國以免冠立地而叩為重婚嫁亦用媒妁娶日
往叩天主堂誦經畢方合卺殯殮有棺營墳墓但無
喪禮刑法自重罪外傷人者斷手盜官物者劓耳鼻
復有火拷之刑私鑄錢者以銅爛化灌其口殺之私
賣烟酒者重責藉其家發遣治奸淫亦極嚴但責其
婦交還本夫不准離異而幼童與女子犯者則重責
配為夫婦城郭宮室皆以大木營構居處汙濁躑躅
泥濘之中蓋其地勢然也俗少農多商農者知種不
知耕耘性矜誇貪得尚浮屠好詞訟每聚會酣飲抵
醉則咏歌跳舞婦女不知規避亦爭相妍飾連袂戲
嬉行歌於途其人以去髭鬚為姣好卷髮為美觀皆
深眶綠睛有黑睛者云是李陵苗裔聞鄂爾多斯人
亦有出李陵後者何陵裔之盛耶

國朝康熙五十一年土爾虎特國阿玉氣汗叩關修

貢。

聖祖仁皇帝以柔遠之道特遣使宣慰道由鄂羅斯其柏興

頭目以下負弩送迎餽飲饌具舟騎尊禮惟謹後復

遣其部人俊秀者來入國學受四子書以去昔漢單

于遣子入學以為盛事今

聖朝文德誕敷絕域殊方咸被聲教前史所未有者其國

去邊外萬餘里行人往返或風雪不得行必歷數寒

暑今鄂羅斯

奏請來京貿易業經四十年矣

喇嘛

喇嘛僧著衣不著禪剃髮著帽衣帽之製不一色則

必黃是以謂之黃衣僧有德行者尊稱為大喇嘛不

娶妻不淫婦女泥金寫經為人唸誦祈禳闡其教也

飲酒則先灑地而指三彈食肉則捉刀自割食畢盥

拭昭其潔也灼羊髀以視兆骨之上為神明近脊為

主傍處為客位以之決從違善識緯也或去來自由

奪舍寄靈奪舍者有人暴死忽而復生自言言前身

事以為感驗雖盛傳其異真贗雜也蒙古免冠叩首

膝行而前。尊之如天地。奉之如神明。苟得合掌向地。摩頂受記。喇嘛三摩掌其頂謂之受記則其死雖爵後不墮地獄不墮餓鬼不墮畜生云雖爵祿之加無以過。惑其術也。散布其徒於中國。收召愚民為弟子。故中國動靜西北莫不知之。善間諜也。然有德行者亦不概見。千萬中一二而已。餘則淫褻無狀。貪婪無厭。妄誕可笑。在在皆是。而蒙古深信不覺。又何怪無賴之徒多逃至西北。披黃衣著黃帽。縱意恣情。無惡不作哉。

書梵字經

蒙古於山麓水湄或林木叢中必豎竿懸旛或縛布如榜上書梵字經文以為招祥祈佑身地兩利也。按元史世祖至元七年以帝師八思巴之言於大明殿御座上置白傘蓋一頂用素緞泥金書梵字於其上。謂鎮伏邪魔護安國刹可知流俗非一日也。

脫災

蒙古祈禱平安或驅除疾病延喇嘛翦紙條紙人祝讚之讚畢主家解衣授之曰為帶災去此俗由來已久匪始自今按元史每歲十二月下旬擇日於西鎮

國寺內墻下灑掃平地。太府監供綵幣。中尚監供細
氈。鍼線武備。寺供弓箭環刀束稗草。爲人形一。爲狗
形一。翦雜色綵緞。爲腸胃。選達官世家之貴重者。交
射。至糜爛。以羊酒祭之。祭畢。帝后及太子嬪妃同射。
者各解所服衣。俾蒙古巫覡祝讚之。祝讚畢。遂與之
名曰脫災。國俗謂之射草狗。

蒙古居處

蒙古冬夏荐居。逐水草而徙。無常所也。是以不營巢。
不築室。毳幙棲身。其式木墻木頂。圓而無楞。外覆以
氈。最大者不過一丈高。如之次者。減其半。有力之家
多製。如中人則闔家老幼共居一幙。中置鐵鍋。挖坑
起爨。西設凳杌。供佛盤碗。俱木器。凡所需烟茶酥油
之屬。俱置左右。餘隙則堆畜糞。不知耕耨。不食五穀。
日則惟飲乳茶而已。富者雜以鮮鬻脯脰。中人茶烟
之外。一無療饑。夜則合衣而卧。並無衾具。夏秋之際。
百草豐茂。牛羊茁壯。馬駝腴腴。釀乳爲酒。曬乳爲糕。
日夜沉湎。大有之秋也。

婚嫁

官遊筆記 卷四十三
蒙古之婚嫁也。止有父母之命。不聞媒妁之言。納聘並無幣帛。惟索牛羊。槩以九數為限。自一九至九九。視貧富以為差等。吉期卜於喇嘛。抵期女親族聯鑣送女于歸。男父母親族攜乳漿羊脯迎於中塗。飲食之已。而男家人乘騎出羊骨以示。而兩族男婦縱馬馳逐。相奪於馬上。獲骨之家以為吉昌。及至家親族隣里攜羊酒慶賀。沉湎三日。女嫁之粧奩鐵鍋木梳布枕而已。並無衾裯之屬。

又

蒙古婚嫁牛羊之外。又以馬駝為聘儀。預為定議。然後允諾。女家必以毳幙鐵鍋為隨。或贈以鞍馬。或媵以男婦。是日女乘騎過門。親友男婦相送。男家殺牲會飲。俱醉如泥。始歸。新郎獨居所隨毳幙。靜候女入。女避之於外。嫂孀小姑。强行持抱入幙。此後即分居。另爨視父母為外人矣。

喪葬

蒙古身故。夫婦兄弟兒女。無哀痛迫切之情。惟延喇嘛。啖經懇其查驗。如何措辦。喇嘛以亡期吉凶為言。

或令置於山。或令委於壑。或令挂於樹。或令埋於地。或令拋於野。遂如其言。無棺無槨。棄之。乃徙其所居。一任狼殘犬食。不復問矣。是以蒙古自古無塋墓。非特死後爲然。即生時父母年老。則輕賤之。我

聖祖仁皇帝憐憫其愚。

特差大臣部員。分居沙漠。教以忠孝。及中國禮儀。兼選蒙古王公額駙。令其

內廷行走。耳聞目覩。日磨月礱。遂知隆親之誼。及旋故土。轉相告語。亦皆知生養死葬。間有塋墓。依時供奉。茶

酒然則

聲教之被。亦何遠哉。

妻後母妻兄弟妻

蒙古父死。妻其後母。兄弟死。妻其妻。前漢書中行說。旣降單于。對漢使曰。一國之政。猶一體也。父兄死。則妻其妻。惡種姓之失也。故匈奴雖亂。必立宗種。云是。以漢寧胡闕氏王嬙。明俺答之三孃子。恬不爲怪。其他又何論哉。今陋習相沿。尚未盡改。或諭以百世不通之義。則曰。旣爲我家人。不忍其適於外姓耳。語云。

近朱則赤近墨則黑不謬也

產育

胡婦臨產必避於外恐衝污幙中神佛也。不知日月星辰皎皎在上其衝污特甚。况帷中穢污已極。設果有神佛又安肯居此耶。兒一落草即以凉水浴之日無間至移步乃罷。不事襁負亦不需搖車。惟裹以氈褐縛之於板。令其仰卧時或豎立啼則就板乳之。朝夕間為脫卸兩胯夾以敗絮爛皮。令便於溺矢。是以蒙古背直跨彎人人皆然。兒始能行遂攜之馬上。

故男女俱能乘騎無論緩急縱轡揮鞭令其馳驟遙望之尾動踠疾聯鑣並行者即知其為蒙古也。

雙生

蒙古雙生以後者為兄。言後者在上前者在下耳。中華以先生為兄。按空同子物理篇凡產必前動謂之回轉無碍則首始下首下則生矣。即以受氣先後疑則回轉時先氣者先出此論得理。蒙古固未知也。然譙周法訓亦以後生者為兄。似又與蒙古所見略同。

崇佛

金日磾傳日磾本匈奴休屠王太子也武帝元狩中
驃騎將軍霍去病將兵擊匈奴右地多斬首虜獲休
屠王金人日磾以父不降見殺與母闕氏弟倫俱沒
入宮輸黃門養馬以休屠作金人為祭天主故因賜
姓金氏云金人即金佛也當日佛教未興匈奴中亦
僅見之故漢書名為金人及明帝遣使身毒圖佛形
中國始有佛號後乃日盛塞外蒙古則無論貧富家
家佞奉又不僅王公台吉而已

供肉

喇嘛樂器有以人之腦骨脛骨為之者餘器與中華
僧同佛前以鮮肉為供與中華僧戒葷酒者異按輟
耕錄載累朝皇帝先受佛戒九次方正大寶今上初
入戒壇時見馬哈刺佛前有物為供因問學士沙刺
班曰此何物曰羊心上曰曾聞用人心肝者有諸曰
嘗聞之而未嘗目覩請問刺馬刺馬者帝師也上遂
命沙刺班傳旨問之荅曰有之凡人萌歹心害人者
事覺則以其心肝作供耳以此言復奏上再命問曰
此羊曾害人乎帝師無荅觀此喇嘛之食葷以羶味

供佛由來已久。蒙古皈依喇嘛。傾心敬信。穹廬中貧富無不設几。供佛如食肉。必獻貧者。無盤即置於几上。油膩漬污。經年不知揩拭也。

俗尚

蒙古以其所有牛羊馬駝乳餅糕酥。或所捕貂狐狼兔皮革之屬。互易烟茶布紵。不識白鏹青蚨爲何物。乃軍興以來。漸知重銀。且相易之際。惟利己是求。即所立議亦多詐不實。未可以其愚昧而反爲所欺也。然敬重喇嘛。又出之至誠。輪流供奉。不特飲食佳者。

未敢自私。即所易紬紵。惟其所需。設秘而不獻。值疾災時。喇嘛云是爾家若物爲祟。遂跪奉之。以求除禍。且不計其果否。德行或能誦經說法。凡披黃去髮者。即以神佛視之。是以無賴兇徒。俱逃入此門。三家兩家各有一人。蒙古終始不悟也。

職業

蒙古婦女不知避人。終日守釜煮茶爲事。左猫右狍。生革熟韋。穢污狼藉於前。視爲固然。衣多皮帛。間衣布帛。凡白而黝者。即其服色。婦女亦能縫衣碾氈。至

於畜犛牛剪纓緝織絨帔衫戎帶則懵然不知遠遜西邊之黑番也

乘騎

蒙古艱於徒步遠近乘馬孩提亦然雖迫於饑寒乘騎亦必不廢值其老疾始售之人以胡馬而視爲駿驥則誤矣如人有駿驥必設法盜之或瞰其勢弱遂劫虜之往往因驥致禍行人尤甚且往來趨忽不能捕捉設以蒙古代捕却屬易易諺云象瘋象捉也然近有根踪之說察其沙泥之跡亦可緝獲雖軍興以來五方雜處劫盜者不止蒙古而詳察之法又有秘訣凡蒙古乘騎無拘多寡必聯鑣並行是以蹄跡截齊索倫乘騎從不直行必左右勒縱是以蹄跡參差漢民必一字尾隨是以蹄跡有縱無橫以此覘之信若著蔡

騎射天性

蒙古生五六歲即能騎羊稍長即騎馬獵牲爲生業按前漢書匈奴傳兒能騎羊引弓射鳥鼠少長則射狐兔肉食士力能彎弓盡爲甲騎云何千古以來天

性如一哉。

飲食

民以食爲天。而蒙古以牛羊爲養命之源。是以不輕殺牲。惟孳蕃以取其乳。富者間一殺之。不事烹調。但知燔煮。而貧者無論識與不識。羣集毳幙。席地而坐。富者操刀自割。先啖。次及其妻其子。然後分賜貧者。各一片。如內地人。至其毳幙。妻女不知趨避。必獻乳茶飲之。雖極貧者亦然。客以烟爲答。蒙古二三吸。授其妻。妻亦如之。轉授子女。必待未燼。還諸客。客則吸而盡之。然必索烟絲茶葉以償其獻。若行客居草野。蒙古入其幙。帷中授之飲食。然後去。

水草災異

蒙古隨畜移遷。就水草也。夏日不雨。萌草不長。固爲荒年。而夏草雖好。秋冬不雪。亦屬災異。蓋夏日就水以牧。水側青黃莖葉已罄。未牧之地。必待雪積。就草以遷。人畜嚙雪度日。如無雪。是有草之地。無水。有水之地。無草。故謂之災異。設雪過多。積至三五尺。草壓深厚。生畜不能嚙。亦爲災異。

壇房

蒙古壇房門多南向。或東向。或東南向。取朝陽風力不烈也。掀簾出入必由左。如漢人之重青龍。倘漢人不知啓右而入。則不悅。以為不利。主家房內仍以右為尊。設桌供佛於西。曰佛在西方也。客至令坐佛桌之下。以為敬。如女客則坐於左。本家婦女皆左坐。惟主婆坐鍋傍之左。總以男女分左右。從不交錯也。

移居

蒙古移帳後。足不復踵其地。如曾於帳內殞殮。更為不利。以後經過遠避。而不顧家道饒裕者。必併此壇房棄之。是以雖有水草善地。不肯營造居室。以為不便遷移也。按元史。凡帝后有疾危殆。度不可愈。亦移居外壇帳房。有不諱。即殞殮其中。葬後。每日用羊二次。燒飯以為祭。至四十九日而後已。其帳房亦以賜近臣。觀此。則元之帝后疾危。亦必移於外之壇帳。易於避棄。况下焉者乎。

蒙古圍棋

蒙古亦知博奕。且有高手。相傳唐以公主下嫁。傳之

回紇第合枰縱橫各十七道定式黑白各先置二子。蒙古却黑白各六子定式二子一行每二格一子亦黑白相間其纜提熱子不准旋提為等子也。而蒙古於投一倒提提二還一之屬概不准以應劫始提此其異者。餘與中國同。按李善註韋昭博奕論古棋三百引邯鄲淳藝經曰棋局縱橫各十七道共二百八十九格。白黑各一百五十枚為証。觀此蒙古自唐而傳。今所存弈枰或古式也。

象棋

蒙古象棋直橫九畫各八格中無界河置棋格中不於畫上以木雕形代字。車雕方座載一圓丸形左右位置與中國同。馬形次車左右位置亦與中國同。其象位却雕高塔名駱駝。次馬左右位置中餘二格雕人形一名主帥置於左。雕方塔一名副帥置於右。卒雕八小塔列置前格兩造如一。車行馬行與中國同。駝斜行無論遠近主帥進退一步斜行一步。遍局可行並無禁限。副帥斜一步直橫自如。卒直前一步不准提子。却准斜步提子亦止一步。最力者副帥。

以其斜一步如卒直橫如車如卒能抵底即作副帥。行步與副帥同總之兩造紛紛互提制主帥不能行則勝矣。按劉向說苑雍周謂孟嘗君曰足下燕居鬪象棋亦戰鬪之事乎。是象棋之戲由來已久。幽怪錄載唐岑順於陝州夜見車馬步卒之夥掘地得金象局并子。故唐以後方顯。今蒙古所戲或亦唐公主下嫁時相傳者耶。蒙古不識字因雕物以代之耳。

名為象棋則雕形象以代字恐亦古法。陸成岑敬

評

貴由赤

蒙古背直勝。彎艱於徒步。不得不藉力於駝馬。漢書所謂兒能騎羊。少長則射狐兔。由來久矣。迨元有貴由赤之名。貴由赤者快行也。每歲一試之。脚力便捷者膺上賞。按輟耕錄載貴由赤之試也。監臨官齊其名數而約之以繩。使無後先參差之爭。然後去繩放行。在大都則自河西務起程。若上都則自泥河兒起程。越三時走一百八十里。直抵御前。俯伏呼萬歲。先至者賜銀一餅。餘者賜緞有差。云此正因其短而教。

官遊筆言 卷四十三 二十
之意也。

灼羊骨

呂祖玉云古者乩卜之法不獨著龜見於書傳者有錢卜紫姑卜烏卜牛蹄卜粟卜羊卜灼骨卜瓦卜後俗有雞卜雖不皆出於聖人要亦有可信者焉此說見於言鯖予仕滇黔西粵猺夷蠻苗猺獐有卜以雞骨者有卜以雞卵者塞北蒙古星相之說不行惟知問卜喇嘛灼羊髀以視兆骨之上為神明近脊為主傍處為客位以決從違蒙古傾心信服有不應必曲為之解以神其說

天叫

蒙古名雷曰騰厄哩叨噶爾納騰厄哩譯言天也叨噶爾納譯言叫也此言誠可大噱按蒙達備錄韃主成吉思小名忒没真乃舊牌子頭彼國十人之長也成吉思少為金人所擄十餘年逃歸其人英勇果決有度量即黑韃韃也或曰成吉思者譯言天賜兩字俗最敬天每事必稱天聞雷聲恐懼不敢行師曰天叫也備錄所載如此是未知天叫即蒙古所名雷也

噴嚏

禮月令秋季行夏令民多鼽嚏。註鼽者氣窒于鼻。嚏者聲發於口。皆肺疾。以夏火克金。故病此。古人以嚏占吉凶。今稚子噴嚏。保母曰一百歲。乃祝其消疾。以永年也。此語宋時已然。宋王易燕北錄契丹俗戎主及太后噴嚏。近位臣僚齊呼沿夔離。沿夔離者華言萬歲也。

吞香阜

一。台吉謁教養蒙古旗員。久坐閒談。見錫盒有香阜。

一。丸竊取之。主人不知也。及返穹廬。食之大嘔。甚恐。差人求解方。兼謝不問竊取罪。旗員思無可解。以洗手菜豆屑付之。令其滾水嚥送。意菜豆可解毒也。台吉飲之。嘔乃已。予聞而笑曰。台吉大嘔良苦。然香阜浣之。豆屑刷之心腸淨矣。同人無不抵掌。

蒙古使假物

奸民使偽物欺愚蒙古術亦多矣。蒙古澆酥油於羊肚。四邊中充畜糞。售於市鬻之者。欲收藏徐用。未肯剖碎。則墮其術中。又有以貳羊白兔取其肉。實以束。

草水澆凍結市於內民及知其欺或復遇於途面責之蒙古曰爾內地人欺我特甚今倣一爲之何多責焉

但叙其所答之言便可警世

陸成岑敬評

逆虜行軍

古者師行而糧隨軍需挽運不得不繁重也若準噶爾之蠢動駝馬外無所備具富者攜羊一牽貧者攜肉一嚮其意專以搶奪爲資妻孥並挈以供牧養眠沙伏草以窺喀爾喀之部落必俟甲不及擐矢不及

發突如其來直同鯨一躍而吞舟虎數步而擇肉設能避之而令其無所掠則枵腹而斃無一生還者但喀爾喀雖係游牧遷徙不易而所居遼闊人畜衆多勢不能脫然而一無受害也

逆虜戰陣

準噶爾之剽掠如竊盜然潛踪匿迹恒至二三百里外七露其形有時竭力飛奔窺我軍營皆乘黑夜搶奪駝馬或亂施鎗箭及曉則遁次夜復來意在屢擾屢疲矚我軍勞頓始肆焉竊發比其猝遇而拒敵不

遂交鋒必占踞山嶺以上臨下覷我全營動靜得建
瓴之勢且俾追者不得上擊者有所避其狡黠也如
此子善於開合進退之法莫從攻勦所謂獸聚鳥散
變幻百出者也然其列陣終鮮紀律亦無步武稍有
不利立即解體所以戰必敗北幾無噍類非如我軍
之號令嚴明有進無退必滅此朝食而後已也人妄
以設伏兵疑陣令虛者實之實者虛之環擊其前後
則不知蒙古之情形也

逆虜講和

我軍既興準噶爾狡如狐兔聞風竄遁踪跡不定以
避鋒銳及見追搗相近勢知不免就擒則必遣使請
和極其卑牧婉轉諄摯懇切往返數次終不決絕倏
爾更變竟敢抗拒迎敵蓋其所以講和者一則因援
救之衆旅未齊一則窺探我軍之多寡虛實我軍仰
體

聖上柔仁慈有信其實者然老臣宿將深悉其狡詐耳

逆虜道路

當準噶爾之跳梁也突然而來倏逝而去人譬之以

老鷹蓋老鷹性愛搏擊而不能攫一鳥雀惟專務摩
空下窺道路溝渠有遺腥棄穢便側翅疾下一覩人
影之前即高飛遠颺或舍東則攫西舍西則攫東絕
無定所準噶爾之搶奪剽掠乘隙而逞亦復如是予
意以爲準噶爾之伎倆固然而地方之情形則不然
沙漠曠野一望千萬里翔集原無阻碍然有水有草
之地可以屈指而數之數十人行走無地不可而百
人以上駝馬繁多豈能存在在俱有水草以敷人畜之
需是以其必走之道路可以約計而得探其所自來
截其所必往塞要扼吭何能免脫豈如老鷹之摩空
窺伺任其西東飛掠耶

其 東 西 南 北	其 東 西 南 北	其 東 西 南 北	其 東 西 南 北	其 東 西 南 北
-----------------------	-----------------------	-----------------------	-----------------------	-----------------------

其
東
西
南
北

